



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CXXII. Der Rath zu Prenzlau fertigt einen Boten in die Umgegend ab, der milde Gaben zur Errichtung des Hospitals in der Neustadt einsammeln soll, am 29. August 1358.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

CXXI. Bischof Johann von Camin verschreibt Allen, die zum Bau und zur Einrichtung des Fremdenhospitals in Prenzlau beitragen, einen Ablass, am 1. November 1357.

In nomine Domini Amen. Johannes, Dei gracia Episcopus Ecclesie Caminensis, Univerſis Christi fidelibus ad quorum noticiam presens Scriptum pervenerit Sinceram in domino Karitatem. Deum Omnipotentem credimus habere propitium cum ejus deuotos per donationem Elemosinarum et indulgentiarum remissiones ad Karitatis Opera facienda incitamus. Cupientes igitur piam intencionem Christi fidelium conceptam et inchoatam in fundacione cujusdam Domus prope muros Civitatis Premzlaw, in Nova Civitate ibidem pro receptione et Hospitalitate pauperum Christi et peregrinorum degentium suo amore prosequi Speciali. Omnibus vere penitentibus et contritis, qui pro edificatione, emendacione, ampliacione, melioracione et reformatione ejus, nec non ad lectiferna ac alia necessaria ejusdem Domus manus suos porrexerint adutrices aut qui in testamento vel extra ad premissa aliquid legauerint, seu ab alijs legari procurauerint, quocienscumque et quandocumque quodlibet horum cum deuocione fecerint, de omnipotentis dei Misericordia et beatorum Apostolorum Petri et Pauli ejus Suffragiis confisi, quadraginta Dierum indulgentias et unam karenam de injunctis sibi penitencijs in Domino misericorditer relaxamus. Presentibus vero extra fines Parrochie Premzlaw minime valituris. Datum Premzlaw, Anno Domini M^o. CCC^o. Quinquagesimo Septimo, Ipso Die omnium Sanctorum, nostro sub Secreto.

Gundling'sche Urkundenſammlung III, 2. S. 345.

CXXII. Der Rath zu Prenzlau fertigt einen Boten in die Umgegend ab, der milde Gaben zur Errichtung des Hospitals in der Neustadt einsammeln soll, am 29. August 1358.

Quia secundum Apostolum omnes stabimus ante tribunal Dei, ut referat unusquisque prout gessit in Corpore et que homo seminavit hic et metet; Oportet igitur diem Messionis extreme bonis operibus et pijs elemosinis prevenire, quatenus congritor et Judex occultorum poterit pro tunc placabilis inveniri, quod tunc fieri creditur, cum Christicole in operibus misericordie se studuerunt exercere. Hinc est, quod Nos Consules Civitatis Prinslaw, lucide profitemur, coram univērsis presentia Visuris seu audituris, quod cum nostris Concivibus potioribus dilectis Elemosynis eorum ad hoc actu applicatis fundavimus unum Hospitale in nostra nova Civitate, in quo Pauperes Peregrini et indigentes in Itinere salutis huc et illuc proficiscentes debeant hospitari, quod etiam Venerabilis in Christo Pater et Dominus, Dominus Johannes, Episcopus Caminensis, confirmavit et quadraginta dies indulgentiarum de injunctis sibi penitentijs quibuscumque, qui manus suas porrexerint ad hoc adiutrices, apoluit et donavit. Volentes nihilominus illud Hospitale ampliare et emendare, ut quicumque venerit ad illud Hospitando, quod ei potus et panis ministrari poterit atque dari et illud ad plenum facere nequimus, nisi proborum et deuotorum auxilio mediante; Ideo univērsis Christi fidelibus per presentia et cum presenti nuncio Christiano Girswaldis emissio requisitis

Supplicamus, Studio quo poterimus ampliori, quatenus amore dei eundem nuncium per presentia emissum habeatis promotum in huiusmodi negociis karitativis iustis et veris, Permittentes ipsum Dominum in Civitatibus et munitioibus vestris Elemofinas Christi fidelium Dei intuitu mendicare, Cum nullus secundum Apostolum Hospitalitatem debeat oblivisci. In cuius rei evidentiam nostre Civitatis Sigillum ex certa nostra cognitione presentibus est adductum. Datum et Actum Printzlaw, Anno Domini Millesimo Tricentesimo quinquagesimo Octavo, Ipso die beati Johannis Bapstise decollationis.

Gundling'sche Urkundenammlung III. 2, S. 349.

CXXIII. Markgraf Ludwig der Römer verzeiget dem zu Prenzlau gestifteten Fremdenhospitale vier Hufen Landes zu Arendsee, am 16. October 1359.

Ad perpetuam rei geste memoriam Nouerint vniuersi tenorem presentium inspecturi, Quod nos Ludovicus Romanus, Dei gratia Brandenburgensis et Lusatie Marchio, Sacri Romani Imperij archicamerarius, Comes palatinus Rheni et Bauarie Dux, nostro et fratris nostri carissimi Ottonis nomine et heredum nostrorum, Cum nonnulli ciues nostri in Premzlaw et plures alij fideles nostri dilecti et specialiter Henricus Koyk et Eghardus Melmeker, spiritu moti et ducti ex alto, in honore omnipotentis Dei genitricis ipsius gloriosissime Virginis Marie et omnium sanctorum vnum hospitale construxerunt et nouiter exerunt, situm in noua Ciuitate Premslaw ad vsum et vtilitatem peregrinorum exulum et egenorum, qui non valentes alibi habere hospicia in eo colligi et refici poterunt et debent, quorum precibus et instanciis et precipue pure et simpliciter propter Deum in remedium salutare animarum Progenitorum nostrorum et Antecessorum olim marchionum Brandenburgensium pie recordacionis, Rectoribus et Prouisoribus eiusdem hospitalis henrico Koyk et Eghardo Melmeker et aliis rectoribus eiusdem, qui pro tempore fuerint, et Hospitali predicto dedimus et donamus solempni donacione proprietatem quatuor mansorum sitorum in Villa Arnsche situata prope Premslaw emptorum per predictos prouisores a strenuis Viris Johanne et Henrico de bentz patris Vassallis nostris dilectis et fidelibus, quorum duos possidet et tenet Crumbeke rusticus eiusdem Ville, Willeke biderstegen vnum mansum et heyso etiam vnum mansum, qui siquidem mansi quatuor cum pactu, precaria, censu, honoribus, vtilitatibus, fructibus, commodis, iurisdictionibus, iuribus et pertinenciis vniuersis et singulis ad ipsos spectantibus, quibus eos habuerunt et tenuerunt a nobis predicti Johannes et henricus de bentz, perpetuo ad predictum hospitale et vsus supra expressos pertinere debebunt iusto proprietatis titulo pacifice et quiete habendi per illud possidendi pariter et tenendi. Nolentes quod Aduocati et officiales nostri presentes vel qui in posterum erunt nostri aduocati et officiales predictum hospitale et prouisores eiusdem in dictis quatuor mansis et perceptione reddituum et iurium prefatorum debeant impedire, perturbare vel quomodolibet molestare. Renunciantes pro Nobis, Fratre nostro predicto et amborum nostrorum Heredibus omni iuri, quod habuimus in mansis prefatis, quo ad proprietatem predictam, aut habere poterimus in futurum. In cuius rei euidentiam sigillum